

& regressibus suis & omnibus Juribus corporalibus & incorporalibus, ac vniuersis & singulis quae habet eorum supra uel infra, seu intra, seu quae dictis bonis uel rebus, aut nobis aliqua ratione pertinebant, uel competere debebant, seu poterant in futurum, dedimus, vendidimus, & tradimus iure perpetuo Reuerendo in Christo fratri Hugoni de Werdenerg⁶ Ordinis S. Joannis nostro fratri carnali, & fratribus eiusdem ordinis, & specialiter Domui in Velchilch & fratribus, omnibusque eorum successoribus, pro octuaginta marcis puri & legalis argenti, ponderis Constantiensis ad habendum, tenendum, possidentum & quicquid eisdem deinceps placuerit faciendum quam pecuniam confitemur ab ipsis recepisse & habuisse, ac integre solutam esse, & praedicta bona supradictis a Ministro in Velchilch⁷ redemisse, & in utilitatem nostram conuertisse, Exceptioni non dati, non soluti non numerati pretii renunciantes, Renunciantes etiam auxilio competenti exceptioni ultra dimidiata partem iusti pretij, Donantes eisdem fratribus successoribus eorum, ex certa scientia in inreuocabiliter donationem inter viuos & quod bona predicta nunc plus valent in pretio & in futurum valebunt. Promittentes pro nobis nostrisque haeredibus, & successoribus eorundem bona & res predictas venditas, datas & traditas habere, licere, dolum malum abesse. Quae siquidem bona & res ac iura & omnia supradicta constituimus nos eorum nomine possidere, donec eorum possessionem acceperint corporalem. Quam accipendi eorum nomine & auctoritate deinceps & retinendi eis licentiam omnimodam damus. Promittentes etiam Warandiam prestare, & de euictione teneri. Promittimus et pro nobis nostrisque haeredibus & eorum successoribus litem seu controuersiam, de dictis bonis, rebus seu iuribus nullo tempore inferre, uel inferenti consentire. Sed ipsas res, bona iura predicta eis tam in proprietate quam in possessione ab omni persona & uniuersitate legitime defendere, auctoritare & expedire, vacuamque possessionem tradere, & ipsos facere in possessione potiores. Quam siquidem venditionem & omnia supradicta & singula promisimus, pro nobis, nostrisque heredibus predicto fratri nostro, & ipsius successoribus eiusdem Ordinis perpetuo firma, rata & grata habere & implere, nec contra facere, uel venire, per nos uel per alium aliqua ratione de Jure uel de facto, sub poena dupli pretij supradicti, Stipulatione pro singulis, & in singulis Capitulis Huius contractus nomine poenae et interesse. Quod ab eis de consensu nostro in tantum est aestimaturn in solidum praemissa, Quae totiens ammitatur & exigi possit, quotiens